

Sepedi



VICTORY OR DEATH



# MANIFESTO

WA DIKGETHO TŠA MEBUŠO  
YA SELEGAE WA 2026

VOTE EFF





## A. KETAPELE KA MOPRESIDENTE LE MOLAODI YO MOGOLO

Dikgetho tša Mebušo ya Selegae tša 2026 ke ye nngwe ya dinako tše bohlokwa kudu historing ya temokrasi ya rena. Batho ba rena ba lebane le bothata bjo bo golago bja taolo, go palelwa ke kabo ya ditirelo, tlhokego ya mešomo, bomenetša, meralo ya motheo ye e senyegago, le bommassepala bao ba lahlilego boikarabelo bja bona bja molaotheo. Ka gona, dikgetho tše ke tekolo ya gore na ditšhaba di tla tšwela pele go kgotlelela go senyega le go hlokomologwa, goba di tla ema ka dinao go bušetša bommassepala ba tšona le go tsošološa seriti sa pušo ya selegae.

Ka lebaka leo, re tsena dikgethong tše ka moonno wa gore, **"Phenyo goba Lehu."** Polelo ye e gatelela go akgoa ga seemo gomme e amogela gore batho ba rena ba ka se sa tšwela pele go kgotlelela maemo ao a bakilwego ke mengwaga ya bomenetša, go hloka bokgoni, go abelana meputso ka kgokagano ya dipolotiki, go wa ga ekonomi, le go thopša ga mebušo ya selegae ke borakonteraka ba dithendara le ba maemo a godimo bao ba nago le dikgokagano tša dipolotiki. Go dimilione tša Maafrika Borwa, go palelwa ke bommassepala ga se taba ya pholisi fela, eupša ke nnete ya bophelo bja letšatši le letšatši yeo e amago phihlelelo ya meetse, polokego mebileng, go kgoboketšwa ga ditlakala, tlhokomelo ya mebila, le seriti sa ditšhaba.

**Economic Freedom Fighters (EFF)** e tšweletša manifesto ye bjalo ka leano la maano la go phološa pušo ya selegae. E fana ka lenaneo leo le šomago le leo le ka phethagatšwago leo le lebanwego le go aga lefsa bommassepala bao ba šomelago batho go e na le borakonteraka le ba sego kae ba ba kgethegilego. Manifesto ye e gatelela gore bokamoso bja Afrika Borwa bo ithekgile ka go tsošološa bokgoni, botshepegi le semelo sa tlhabollo sa pušo ya selegae gore go kgonege go tsošološa intasteri ya Afrika Borwa. Molao-motheo wa motheo wo o hlahlago dipholisi tše ke gore bommassepala ba swanetše go hlankela ditšhaba, e sego dikgahlego tša poraebete. Methopo ya bommassepala e swanetše go lebišwa go kabo ya ditirelo tša boleng, tlhokomelo ya meralo ya motheo, tlholo ya mešomo le go godiša diintasteri tša ekonomi ya selegae tše di swarelelago. Bommassepala ba swanetše go ba mafelo a peakanyo, kabo ya ditirelo le tlhabollo, ba diriša bokgoni bja ka gare go e na le go ba ditsela tša bomenetša le tshenyo ya methopo.

Boitshupo bja rena ge re tšweletša manifesto ye ga bo tšwe feela go teori. Bo theilwe godimo ga maitemogelo a nnete le taolo ye e netefadišwego. Kae le kae moo EFF e filwego boikarabelo pušong ya selegae, re bontšhitše gore mokgwa wo mongwe wa taolo o a kgonega, wo o theilwego godimo ga boikarabelo, kabo ya ditirelo, taolo ya ditšhelete ye e nago le kgalemo, le boikgafo go batho.

Ka ge dipolotiki tša mekgatlo ya kopanelo di dutše di gola, EFF e bile le seabe se se kgethegilego pušong ya selegae. Le ge e se ka mehla e laola bommassepala



ka botlalo, e dirišitše khuetšo ya yona go netefatša gore pušo e hlankela batho. Ka bommassepale go fapafapana go ralala Afrika Borwa, EFF e dirišitše ka mehla boteng bja yona dikhanselele go utolla bomenetša, go thibela tshenyo ya ditšhelete tša setšhaba, go nyaka gore balaodi ba bommassepala ba ikarabele, le go šireletša dikgahlego tša badudi ba tlwaelegilego.

Dikgetho tša 2026 ke sebaka se bohlokwa seo se tlogo go bopa bokamoso bja mebušo ya rena ya selegae ka mengwaga ye mentši ye e tlogo. Di tla thuša go tšea sephetho sa gore na ditšhaba di tla tšwela pele go lebana le ditlhothlo ka tlase ga bommassepala bao ba senyegago goba ge tsela ye mpsha e ka hwetšwa. Dikgetho tše gape di tla laetša ge e ba methopo ya setšhaba e tla tšwela pele go humiša baeletši le borakonteraka ba dithendara, goba ge mafelelong e tla lebišwa go fihlelela dinyakwa tša batho.

Histori e re bontšhitše ganši gore phetogo ya nnete e kgonega feela ge batho ba tlwaelegilego, ba banyenyane le ba bagolo, ba kopana gomme ba diriša maatla a bona a temokrasi. Ka gona, manifesto ye ga se feela tokomane ya pholisi. Ke pitšo ya nnete ya go tšea magato le taletšo ye e bulegilego go ditšhaba gore di kopanele go aga lefisa pušo ya selegae.

**Phenyio goba Lehul**

## **B. MATSENO**

EFF e tsena Dikgethong tša Mebušo ya Selegae tša 2026 bjalo ka mokgatlo wa phetogo wo o gošego le wo o nago le maitemogelo, wo o nkilego karolo pušong ya selegae ka lebaka la mengwaga ye e fetago lesome. Le ke lekga la boraro EFF e tsenela Dikgetho tša Mebušo ya Selegae ga e sa le e thewa, ka morago ga Dikgetho tša Mebušo ya Selegae tša 2016 le tša 2021.

Go aga godimo ga motheo wa maatla le maitemogelo a mengwaga ye 13 ya EFF ka Palamenteng ya Bosetšhaba, Dilekgotleng tša Diprofense le Dikhanselele, Manifesto ye ga se fela setatamente sa maitlamo a maswa. E aga godimo ga motheo wa manifesto tša EFF tša dikgetho tša mebušo ya selegae tša nakong e fetilego, manifesto ya motheo, le diphelelo tšeo di tšerwego Kopanong ya Bosetšhaba ya Batho (National People's Assembly – NPA) ya 2024. Manifesto ye ke mpshafatšo le mpshafatšoleswa ya maitlamo ao EFF e bilego le ona ka lebaka la nako ye telele. E theilwe godimo ga metheo ya dipolotiki ya mokgatlo le maitemogelo a nnete ao e a hweditšego go theoša le mengwaga. Maloko a EFF a šomile bjalo ka dikhanselele, maloko a dikomiti tša bomme ya ka go dingwe tša bommassepala ba ditropokgolo tše dikgolo kudu Afrika Borwa, badulasetulo ba dikomiti tša dikhanselele tša bommassepala, baemedi ba tlhokomelo le tekolo, gammogo le baitshwerelele ba ditšhaba go ralala naga. Manifesto ye e bontšha dithuto tšeo EFF e ithutilego tšona, katlego yeo e e



fihleletšego, le ditlhohlo tšeo di sa nyakago go rarollwa gore pušo ya selegae e agwe lefsa.

Bommasepala ba Batho ka fase ga pušo ya EFF ba tla amogela Lenaneo la Kgato leo le bontšhago ka nnete maemo a bona a ikgethilego a selegae le dilo tšeo di tlogo pele mabapi le kabo ya ditirelo. Manifesto ye e fana ka tlhako ya bosetšhaba yeo e tlogo go hlahlala mošomo wa Bommasepala ba Batho le dikhanselara tša EFF. E bea pele tekolo ya rena ya maemo a pušo ya selegae lehono gomme e hlaloša maitlamo a rena a go aga bommassepala bao ba nago le bokgoni, bao ba hlohleletšago tlhabollo le bao ba šomelago batho.

**Manifesto ya Dikgetho tša Mebušo ya Selegae tša 2026 e lebanwe le mafapha a bohlokwa a a latelago:**

- a. Boemo bja Pušo ya Selegae ka Afrika Borwa Lehono
- b. Mengwaga ye Lesome ya EFF ka Pušong ya Selegae
- c. Maitlamo a EFF bakeng sa Pušo ya Selegae
- d. Tekanyetšo ya Ditšhelete le Thekgo ya Ditšhelete ya Bommasepala ba Batho ba EFF
- e. Mafelelo
- f. Kgoeletšo ya Xikhanselara ya EFF

### **C. PUŠO YA SELEGAE KA AFRIKA BORWA LEHONO**

Pušo ya selegae ka Afrika Borwa e lebane le bothata bjo bogolo bjo bo tšwelago pele go mpefala. Le ge go fetile mengwaga ye e fetago masome a mararo ga e sa le go thongwa ga temokrasi, dimilione tša batho di sa phela ntle le phihlelelo ye e botegago ya meetse a hlwekilego a go nwa, ditirelo tša tlhwekišo ya ditšhila, mohlagase wa theko ya maleba, go tlošwa ga ditlakala ka mehla, le ditirelo tše dingwe tša motheo tša bommassepala. Ditšhaba di itemogela ka mehla tlhaelelo ya meetse, go kgaotšwa ga mohlagase, go elela ga ditšhila tša meetse, go senyega ga mebila le go senyega ga meralo ya motheo ya setšhaba.

Mokgwa wa pušo ya selegae o amogela **R110 bilione** tšeo Palamente e di abelago ngwaga o mongwe le o mongwe, eupša, eupša ka lebaka la taolo ye mpe ya ditšhelete le bomenetša, bommassepala ba paletšwe ke go aba ditirelo tša motheo le go hlola mešomo ya go swarelela.

Bommasepala bjale ba šoma bjalo ka bakgoboketši ba melato, ba nyaka ditefelo tša meetse, mohlagase, go kgoboketšwa ga ditlakala le ditirelo tše dingwe go batho bao ba sa šomego, badiidi, le malapa a barutiši, baoki, maphodisa, mašole, baletiši ba tšhireletšo le bašomi ba bommassepala bao ba lebanwego ke mathata a ditšhelete.



Go ya ka **Mohlalobi yo Mogolo wa Dipuku tša Ditšhelete (Auditor-General)**, bommasepala bao ba laolwago ke ANC, DA le IFP ba sentše **R45.6 bilione** nakong ya ngwaga wa ditšhelete wa **2024/25**. Bommasepala bao ba palelwa ke go lefa dikgwebo tše nnyane, bašomi ba bommasepala, Eskom, diboto tša meetse le bakoloti ba bangwe ka gare ga dinako tše di beilwego ke molao. Bommasepala ga ba sa thwala bašomi ka go lebanya. Go e na le moo, ba ithekgile ka barekiši ba bašomi (labour brokers) le dikhamphani tša magareng tšeo di kgokagantšwego le boradipolotiki go fana ka bokgoni bja setegeniki, boentšenere, taolo ya ditšhelete le taolo ya tsamaiso. Ka lebaka leo, mekoti mebileng ga e lokišwe, go elela ga ditšhila tša meetse ga go hlokomelwe, mafelo a dipapadi ga a hlokomelelwe, dintlo ga di agwe, meralo ya motheo ya meetse e senyegile, gomme go na le mafelo a mantši a go lahllelwa ga ditlakala ka ntle ga molao.



## D. MENGWAGA YE LESOME YA EFF KA PUŠONG YA SELEGAE

EFF e tsene pušong ya selegae ka 2016 bjalo ka mokgatlo wa dipolotiki wo o bego o sa tšwa go hlongwa, o ikemišeditše go diriša dikhansele tša bommassepala go kaonafatša maphelo a batho ba tlwaelegilego. Go tloga mathomong, dikhanselara tša EFF di ile tša ikgetholla bjalo ka bagale bao ba se nago poifo ntsweng ya go lwantšha bomenetša, batšhireletši ba badiidi, le baetapele ba kabo ya ditirelo.

EFF e na le **dikhanselara tše 1 075** tšeo di emetšego bontši bja bommassepala ba **257** ba Afrika Borwa. Dikhanselara tše di utolotše bomenetša, tša lwela kabo ya ditirelo, le go gapeletša gore go be le go thwalwa ga bašomi ba go ya go ile ka bommassepaleng. Gape di lwetše gore badiidi ba hwetše meetse le mohlagaase mahala.

Dikhanselara tša EFF di lwetše ka sebetse kgahlanong le bomenetša le go hloka bokgoni ga boramotse le balaodi ba bommassepala ka bommassepaleng ba bantši go ralala naga. Ka lebaka leo, boramotse ba mmalwa ba ile ba tlošwa ka katlego maemong a bona ka lebaka la bomenetša, go akaretšwa ramotse wa ANC ka Mmassepaleng wa Ditsobotla, Profenseng ya Leboa-Bodikela; ramotse wa DA ka Mmassepaleng wa Nelson Mandela, Profenseng ya Kapa Bohlabela; ramotse wa ANC ka Mmassepaleng wa Dr JS Moroka, Profenseng ya Mpumalanga; ramotse wa IFP ka Mmassepaleng wa Nongoma, Profenseng ya KwaZulu-Natal; le ramotse wa ANC ka Mmassepaleng wa Steve Tshwete, Profenseng ya Mpumalanga.

Mošomo wa go se lape wa Dikhanselara tša EFF mengwageng ye lesome ye e fetilego o tšweleditše diphihlelelo tše ntši mabapi le kabo ya ditirelo, tšeo di akaretšago, eupša di sa felele go tše di latelago:

1. EFF ka Toropokgolo ya **Ekurhuleni**, Gauteng, e tšweleditše le go thekga ditšhišinyo tša gore mmasepala o thwale ka go ya go ile bašireletši ba go feta **150** le bašomi ba go hlwekiša.
2. Bakhanselara ba EFF ka Toropokgolo ya **Tshwane**, Gauteng, ba lwetše gore bašomi ba massepala ba **81** bao ba rakilwego ka ntle le molao ba bušetšwe mešomong.
3. MMC wa EFF wa Maphelo ka Toropokgolo ya **Johannesburg**, Gauteng, o agile ditleliniki tša diiri tše **24** ka **Westbury** le **Florida**, gomme a mpshafatša ditleliniki tša **Zandspruit**, **Protea Glen** le **Naledi**.
4. EFF ka Toropokgolo ya **Johannesburg**, Gauteng, e fetotše **Poortjie Centre** ya ba lefelo la kalafo ya batho bao ba tlaišwago ke tšhomišo ya dihlaletagi.
5. Bakhanselara ba EFF ka **Tswaing Municipality**, **Taung Municipality (Ward 4)** le **Madibeng Municipality (Wards 4 le 27)** ka North West ba abile methopo ya meetse le ditanka tša **JoJo**.



6. Bakhanselara ba EFF ka **Madibeng Municipality**, North West, ba sepetša lenaneo la letšatši le letšatši la go aba dijo ka **Ward 27**, leo le fepago malapa a bahloli.
7. EFF ka **Buffalo City Municipality**, Eastern Cape, e emišitše go phušwa ga magae ka ntle le molao ke mmušo wa ANC tikologong ya **eBhongweni**.
8. MMC wa EFF wa Tekanyetšo ya Ditšhelete le Matlotlo ka **Nelson Mandela Municipality**, Eastern Cape, o phumotše sekoloto sa masepala sa **R3.4 milione** sa **Ekuphumleni Old Age Home** ka morago ga ketelo le boikgafo bja Mopresidente wa EFF.
9. Bakhanselara ba EFF ka **City of Cape Town Municipality**, Western Cape, ba lwetše go phethwa ga porojeke ya phaephe ya meetse le mananeokgoparara a ditsela kgauswi le **Gugulethu Housing Project**.
10. Bakhanselara ba EFF ka **Ehlanzeni District Municipality**, Mpumalanga, ba nlofadiše phetogo ya **Elijah Mango College** gore e be **Ehlanzeni TVET College**.
11. Bakhanselara ba EFF ka **Thaba Chweu Municipality**, Mpumalanga, ba emišitše go rakwa ga badudi ba dipolasa ka ntle le molao ka **Ward 4** le **Ward 5** ke ANC.
12. Bakhanselara ba EFF ka **Dihlabeng Municipality**, Free State, ba thušitše batho ba **Ward 17** go hwetša meetse le mohlagase wa mahala wa masepala bakeng sa malapa a bahloli.
13. Bakhanselara ba EFF ka **Mafube Municipality**, Free State, ba nlofadiše kabo ya ditsha tša bolulo ke masepala.
14. Bakhanselara ba EFF ka **Dihlabeng Municipality**, Free State, ba utolotše bomenetša bja masepala.
15. EFF ka **Emthanjeni Municipality**, Northern Cape, e bušeditše pele go akgofiša kabo ya ditifikeiti tša beng bja naga le magato a go fokotša tšhitiso ya nako ye telele ya ditifikeiti tšeo.

Ka diphihlelelo tše tša mengwaga ye lesome, EFF e hweditše maitemogelo a bohlokwa ka tlhokomelo ya pušo le taolo ya mmušo. Ke ka motheo wo moo EFF e tšweletšago boikgafo bja yona bja go aga **Mebasepala ya Batho**.

## **E. DITLAMO TŠA EFF**

### **a) Bommasepala ba EFF mabapi le Naga le Ikonomi ya Temo**

EFF e amogela kganyogo ya histori ye e sa feleng ya batho ya go nyaka naga le go palelwa gantši ga mmušo wa ANC go rarolla taba ye. Mo nakong ya kgauswi le ya nakwana, maikemišetšo a bommasepala ka moka ba EFF ke go hwetša



naga ka mafolofolo bakeng sa bodulo, bodumedi, kgwebo le temo. Godimo ga moo, bommasepala ka moka ba EFF ba tla emiša thekišo ya naga ya bommasepala gomme ba e abele ditšhaba tša Bathobaso bakeng sa kabo leswa ya naga.

#### **Bommasepala ba EFF ba tla:**

1. Diriša maatla a bona a go tšea naga ka molao go tšea naga le meago ye e lahlilwego e le gore e hwetšagale go bafsa bakeng sa temo le mediro ye mengwe ya kgwebo.
2. Boloka magareng ga 5% le 10% ya naga ye e abetšwego ka kabo leswa kudu-kudu bakeng sa batho ba phelago ka bogole, o bea pele thekgo ya temo le didirišwa tšeo di ka fihlelelwago.
3. Hlama lenaneo le le kwagalago la mpshafatšo ya naga la selegae leo le akaretšago leano le le kopantšwego la tlhabollo ya dinagamagaeng ya go ya go ile. Lenaneo le le swanetše go lebiša tlhokomelo go fokotšeng bodiidi dinagamagaeng ka go diriša methopo ye e lego gona ka boitlhamelo mafelong ao a lebantšwego.

#### **b) Bommasepala ba EFF mabapi le Malapa a Bahloki le Ditirelo tša Motheo tša Mahala**

##### **Bommasepala ba EFF ba tla:**

1. Aga bommasepala bao ba netefatšago phihlelelo ya bohle go ditirelo tša motheo tše di ka botwago, tše di ka tshepagalago le tše di fihlelelegago ka ditshenyagalelo, bjalo ka motheo wa seriti sa botho le go tšea karolo ka ikonoming.
2. Netefatša gore malapa ka moka a bahloki ao a swanelegago a amogela ditirelo tša motheo tša mahala bjalo ka tlamego ya Molaotheo le tlhabollo.
3. Ngwadiša ka go itiriša bajalefa ka moka ba dithušo tša **SASSA** bao ba swanelegago le malapa a mangwe a bahloki mo matšatšing a **90** ka morago ga go tsena mošomong, ka go diriša ditshepedišo tše di kopantšwego tša bommasepala tša go ngwadiša bahloki, mola go tlošwa mapheko a taolo ao a thibelago malapa ao a swanelegago go hwetša thekgo.

#### **c) Bommasepala ba EFF mabapi le Thušo ya Ditshenyagalelo tša Bophelo go Malapa a Šomago le a Megolo ya Magareng**

EFF e lemoga gore go hlatloga ga ditshenyagalelo tša bophelo ga go ame feela malapa a bahloki, eupša go ama gape malapa a šomago le ao a hwetšago megolo ya magareng. Barutiši, baokiši, maphodisa, bašomi ba diatla, ditsebi le



bašomi ba bangwe ba bantši ba hwetša go le thata go sepelelana le go hlatloga ga ditshenyagalelo tša ditirelo tša bommassepala. Go thekga malapa a, bommassepala ba EFF ba tla:

1. Tsebagatša magato a thekgo ao a lebantšwego le malapa a šomago le a megolo ya magareng ao a itemogelago mathata a ditšhelete.

**d) Bommassepala ba EFF mabapi le Bokgoni bja Ka Gare le go Thwala Ditirelo ka Gare**

**Bommassepala ba EFF ba tla:**

1. Mo dikgweding tše **24** tše di tlogo, thwala bašomi ba masepala ka go lebanya go fokotša go ithekga ka barekiši ba bašomi le dithendara bakeng sa mediro ya bohlokwa ya masepala.
2. Aga ditshepedišo tša taolo ya masepala tše di nago le bokgoni, botsebi le maitshwaro, tše di šomišago baentšeneare bao ba swanelegago, baplani, bašomi ba diatla, balaodi ba ditšhelete, balaodi ba tshepedišo le ditsebi tše dingwe tše di nago le bokgoni.
3. Tiiša botsebi bja taolo ya masepala ka go dira dithwalwa tše di theilwego godimo ga bokgoni, mangwalo a thuto, maitemogelo le boetapele bjo bo nago le maitshwaro.

**e) Bommassepala ba EFF mabapi le Mešomo le Dikgwebo tše Nnyane, tša Magareng le tše Dinnyane (SMMs)**

EFF e lemoga gore bommassepala ba na le bokgoni bjo bogolo bja go amogela bašomi, go hlama mešomo le go tšwetša pele tlhabollo ya ekonomi ya selegae mola ba aga bokgoni bja ka gare bja go aba ditirelo ka bokgoni. Bommassepala ba EFF ba tla diriša bokgoni bjo go hlama mešomo, go fokotša tlhokego ya mešomo, go matlafatša bokgoni bja masepala le go tšwetša pele kgolo ya ekonomi ya selegae yeo e akaretšago bohle.

**Bommassepala ba EFF ba tla:**

1. Thwala ka gare ditirelo tša tšhireletšo, go hlwekiša, kgoboketšo ya ditlakala, tlhokomelo ya mananeokgoparara le ditirelo tše dingwe tša motheo tša masepala go hlama mešomo ya go ya go ile.

**f) Bomasepala ba EFF ka Dipapadi, Bokgabo le Setšo**

**Bomasepala ba EFF ba tla:**

1. Tloša diswantšho le dihlongwa tša mehleng ya kgethollo ya mmala (apartheid), ba fetole maina a mebila, metse le mafelo a setšhaba ao a tumišago bokoloniale le apartheid, gomme ba a emele ka maina le maswao ao a bontšhago histori, bagale le dikganyogo tša batho ba Afrika Borwa.



2. Boloka le go godiša histori, setšo le bohwa bja Afrika ka dimusiamo, dikgopotšo, bokgabo bja setšhaba le go hloma dihlongwa tšeo di hlomphago baetapele ba Afrika le ba ntwā ya go lwantšha bokoloniale.

**g) Bommasepala ba EFF mabapi le Tekatekano ya Bong, Polokego le Tlhabollo ya Leago**

1. Go phethagatša tekatekano ya bonyenyane ya **50% ya kemedi ya basadi** boetapeleng bja mmasepala, taolong, mešomong, dibakeng tša theko ya dithoto le ditirelo (procurement), gammogo le mananeong a tlhabollo ya ekonomi.

**h) Bommasepala ba EFF mabapi le Maphelo**

1. Go katološa phihlelelo ya ditirelo tša maphelo a motheo tše di feletšego, go akaretšwa ditirelo tša maphelo a thobalano le pelego, maphelo a bomme, tlhokomelo ya HIV, ditirelo tša maphelo a monagano le thekgo ya monagano le leago.
2. Go romela diyuniti tša maphelo tše di sepelago le bašomi ba maphelo ba setšhaba go fana ka ditirelo tša maphelo, diteko tša go hwetša malwetši, go romela balwetši mafelong a kalafo le tlhokomelo ya go latela kalafo metseng ya magaeng, ya mabapi le ditoropo le mafelong ao a hlokago ditirelo.
3. Bea bafetoledi ba go tlwaeditšwe ba Polelo ya Diatla ya Afrika Borwa (SASL) mafelong ka moka a magolo a maphelo.
4. Tlwaetša baamogedi ba diklinike, badiri ba taolo, baoki, le bašomi ba maphelo ba baagi ka ditokelo tša batho ba phelago ka bogole, poledišano ya tlhomphe, le mekgwa ye e bolokegilego ya go fetišetša batho.
5. Fediša mela e melele ya balwetši bao ba lego kotsing ka go diriša mela ya pele yeo e gapeletšegago diklinikeng le go fa ditulo tša thušo tše kgethegilego.
6. Go oketša diiri tša go šoma tša ditleliniki le go hlama ka dikgato ditleliniki tša diiri tše 12 le tša diiri tše 24 ka bommasepaleng moo nyakego le methopo di dumelelago.

**i) Bommasepala ba EFF mabapi le Enetši le Mohlagase**

**Bommasepala ba EFF ba tla:**

1. Go tšea mohlagase bjalo ka lehumo la setšhaba leo le hlohleletšago tlhabollo, e sego mošomo wa go dira poelo.
2. Go fediša ditefišo tša tlaleletšo godimo ga dimithara tša tefelopele (prepaid), go tsenya dimithara tša tefelopele ntle le tefo, le go floša



koketšo ya poelo yeo e sa hlokagalego yeo e bewa ke barekiši ba mohlagase ba batho ba boraro.

3. Go bušetša taolo ye e feletšego ya mmasepala godimo ga go lefela mohlagase, kabo ya wona le taolo ya letseno.

**j) Bommasepala ba EFF mabapi le Ekonomi le Go Tsošološa Diintasteri Bommasepala ba EFF ba tla:**

1. Go hlohleletša tšweletšo ya diintasteri ya selegae go fetoša bommasepala go tšwa mafelong a tšhomišo ya dithoto go ba mafelo a tšweletšo, mešomo le mediro ya ekonomi.
2. Go nyaka gore dihlongwa tša ditšhelete di fane ka **prescribed assets** (matlotlo ao a laetšwego ka molao) le go netefatša gore bonyenyane **80%** ya didirišwa tšeo di rekwago ke mmasepala di tšwa ka nageng.

**k) Bommasepala ba EFF mabapi le Mafelo a Bodulo bja Batho Bommasepala ba EFF ba tla:**

1. Go phethagatša mananeo ao a nago le dinako tše di beilwego a go fediša ditlogelo tša bodulo, ka dinepo tše di hlakilego tša ngwaga ka ngwaga, mananeo a pepeneneng a go leta bodulo le mananeo a kabo ao a ka latelwago gabonolo, ka tirišano le mebušo ya diprofense le ya bosetšhaba.
2. Go hlabolla le go aba mafelo ao a nago le ditirelo tša motheo go malapa ao a swanelegago, bjalo ka karabelo ya ka pela go bothata bja bodulo, mola maitapišo a tharollo ya nako ye telele ya bodulo a tšwela pele.
3. Go aba dintlo go batho ka moka bao ba phelago ka bogole mo dikgweding tše 12 tša mathomo.

**l) Bommasepala ba EFF mabapi le Borei Bommasepala ba EFF ba tla:**

1. Go hlabolla ditlhako tša tlhabollo ya ekonomi ya lewatle bakeng sa dilete tša lebopong, tšeo di ikemišeditšego go diriša methopo ya lewatle go godiša mohola wa ekonomi go ditšhaba tša selegae mafelong a go swana le Knysna le Mossel Bay ka Kapa Bodikela, iNgquza Hill ka Kapa Bohlabela le Port Nolloth ka Kapa Leboa.
2. Aga mebaraka ya dihlapu yeo e ka fihlelelwago yeo e nago le mafelo a go rekišetša dihlapu a lefelo ao a hlametšwego go dirišwa ke batho ba go phela ka bogole.



**m) Bommasepala ba EFF mabapi le Meetse, Tikologo le Phetogo ya Tlelaemete Bommasepala ba EFF ba tla:**

1. Go akaretša go tlwaelana le phetogo ya tlelaemete le go swarelela ga tikologo mananeong ka moka a peakanyo le diprotšekeng tša tlhabollo tša mmasepala.
2. Go netefatša gore melawana le diphetho tša mmasepala di matlafatša bokgoni bja go kgotlelela ditlamorago tša phetogo ya tlelaemete le go fokotša go ba kotsing ya dikotsi tša tikologo, ekonomi le tše di amanago le tlelaemete.
3. Go fana ka phokotšo ya ditefelo le ditšhušumetšo tša ditefelo tša mmasepala go malapa le dikgwebo tseo di beeletšago go enetši ye mpshafatšwago le theknolotši yeo e swarelelago tikologong.

**n) Bommasepala ba EFF mabapi le Kelelatšhila le Taolo ya Meetse a Ditšhila**

1. Go fediša dintlwana ka moka tša boithomelo tša diphakete le tša mekoti tseo di sa bolokegago, le go netefatša phihlelelo ya bohle go ditirelo tša kelelatšhila tša seriti.
2. Go kgokaganya malapa le ditshepedišo tša kelelatšhila tše di šomago le go fana ka theknolotši ye nngwe ya kelelatšhila moo dikgokaganyo tša tlwaelo tša kelelatšhila di sa kgonego go dirwa ka pela.
3. Go netefatša gore dikolo ka moka, ditleliniki le mafelo a setšhaba di na le ditirelo tša kelelatšhila tše di bolokegilego, tše di hlwekilego le tše di tshepagalago.

**o) Bommasepala ba EFF mabapi le Kgoboketšo ya Ditlakala, Taolo ya Ditlakala le Bohlweki bja Tikologo**

1. Go netefatša ditirelo tše di tshepagalago tša kgoboketšo ya ditlakala ditšhabeng ka moka le go fana ka mananeokgoparara a lekanego a go lahla ditlakala mafelong a setšhaba, makeišeneng, metseng ya mekhukhu le mafelong ao go dulago batho ba bantši.
2. Go amogela le go phethagatša Lesolo la Andries Tatane bjalo ka lenaneo le le kgethegilego la go hlaola, go hlwekiša le go tsošološa mafelo ao ditlakala di lahlwago ka ntle ga molao, mola go hlohleletšwa go tšea karolo ga setšhaba.

**p) Bommasepala ba EFF mabapi le Bosenyi, Bomenetša le Polokego ya Setšhaba ya Mmasepala**

**Bommasepala ba EFF ba tla:**

1. Kaonafatša diteišene ka moka tša maphodisa tša selegae, disenthara tša tšhireletšo tša mmasepala, le dikgoro tša tsheko tša mmasepala ka dinamelelo tše boreeletšo tša go tsena, mabati a itiragalelago,



dikhaonthara tša kamogelo tše di theilwego fase, le mafelo a go swara batho ao a ka fihlelwago.

2. Go matlafatša bokgoni bja mmasepala bja phethagatšo ya molao ka go kaonafatša palo ya bašomi, tlhahlo le methopo. Gape, go thuša bommassepala go amogela mekgwa ye e swanetšego ya phethagatšo ya molao, go swana le mafapha ao a ikgethilego, ditirelo tše di abelanwago goba diyuniti tše di matlafaditšwego tša phethagatšo ya melawana ya mmasepala, moo go hlokegago.

**q) Bommassepala ba EFF mabapi le Tlhabollo le Matlafatšo ya Bafsa**

**Bommassepala ba EFF ba tla:**

1. Go boloka direkhoto tše di netefaditšwego tša bafsa bao ba sa šomego go netefatša phihlelelo ya toka le ya pepeneneng ya mešomo ya mmasepala, menyetla ya tlhahlo, dipasari le mananeo a thekgo ya dikgwebo.
2. Go netefatša gore bonyenyane 40% ya menyetla ya mešomo ya mmasepala e abelwa bafsa ba mengwaga ya magareng ga 18 le 35, kudukudu mafapheng a mananeokgoparara, ditirelo tša sethekniki, taolo ya ditlakala, enetši, meetse le ditirelo tša setšhaba.
3. Go abela bonyenyane 50% ya menyetla ya theko ya dithoto le ditirelo ya mmasepala go dikgwebo le dikoporatifi tšeo e lego tša bafsa, ka thekgo ye e lebišitšwego, go aroganywa ga dikonteraka ka dikarolo tše dinnyane le ditshepedišo tša tefelo ya ka pela.

**r) Bommassepala ba EFF mabapi le Dinamelwa**

**Bommassepala ba EFF ba tla:**

1. Go hlokomela ditsela ka moka tša mmasepala gore di dule di bolokegile e bile di kgona go dirišwa, le go ala ditsela tša mohlaba ka dikgato gore go be le phihlelelo ye e ka botwago maamong ka moka a boso, mafelong a go swana le Mogale City le Randfontein ka Gauteng, gammogo le Khai-Ma ka Kapa Leboa.
2. Netefatša go beiwa ga maswika a mafsa ka pela mo tseleng ya R524 go tloga Louis Trichardt/Makhado go ralala Thohoyandou go ya Kgorong ya Punda Maria ya Phaka ya Setšhaba ya Kruger.
3. Go etiša pele tlhokomelo le kaonafatšo ya ditsela tšeo di išago dikolong, ditleliniking, mabidleng, mafelong a ekonomi le mafelong a mangwe a setšhaba.



s) **Bommasepala ba EFF mabapi le Mananeokgoparara a Mmassepala Bommasepala ba EFF ba tla:**

1. Go aga leswa bokgoni bja ka gare bja mmasepala ka go thwala baentšeneere, bapeakanyi ba datoropo, ditsebi tša meralo ya meago, ditsebi tša diatla, boramabompo, ditheknišiene le ditsebi tše dingwe tše di nago le bokgoni tšeo di nyakegago go beakanya, go aga le go hlokomela mananeokgoparara.
2. Go fediša go abelwa go ditirelo tše bohlokwa tša mananeokgoparara go borakotraka ba ka ntle le go hloma dihlopha tša sa ruri tša mmasepala tšeo di ikarabelago ka ditsela, meetse, kelelatšhila, meetse a dipula le mafelo a setšhaba.

**F. GO BEAKANYA TEKANYETŠO YA DITŠHELETE LE GO THEKGA KA DITŠHELETE BOMMASEPALA BA BATHO BA EFF**

Mmušo wa selegae o lebane le bothata bjo bogolo ka lebaka la taolo ye mpe le tshenyo ya ditšhelete bommassepaleng bao ba laolwago ke ANC, DA le IFP, e lego seo se nyatšago kabo ya maleba ya ditirelo. Ka lebaka leo, go nyakega mokgwa o mofsa wa go beakanya tekanyetšo ya ditšhelete le go thekga bommassepala ka ditšhelete, go matlafatša bokgoni bja taolo ya sehlolongwa le go netefatša gore baetapele ba etiša pele dinyakwa tša ditšhaba.

**Dintlha tša Bohlokwa:**

- Ga bjale, bommassepala ba amogela mo e ka bago 9% ya ditšhelete tšeo Palamente e di abelago mebušo ya bosetšhaba le ya diprofense. EFF e tla tšwela pele go buelela ka Palamenteng gore kabelo ye e oketšwe go fihla bonyenyane go 15%, e le gore go lokollwe methopo ye mentši bakeng sa ditirelo tše bohlokwa tša go swana le ditsela, meetse, mohlagase le bodulo.
- Bommasepala ba Batho ba EFF ba tla hloma Diyuniti tša Tlhokomelo ya Sethekniki ya Dikabo tša Mananeokgoparara. Diyuniti tše di tla ba le baentšeneere, ditsebi tša meralo ya meago, bapeakanyi ba datoropo, ditsebi tša diatla le bahlahlobi ba ditšhelete bao ba šomago ka nako ye e tletšego go netefatša gore ditšhelete tša dikabo tša mananeokgoparara, tšeo gantši di lahlegago ka lebaka la kgokaganyo ye mpe le bomenetša, di dirišwa ka nepo.
- Bommasepala ba Batho ba EFF gape ba tla dirišana le dikgwebo go thuša go aga ditsela, ditshepedišo tša meetse, mohlagase, bodulo le mananeokgoparara a dijithale, mola go netefatšwa gore dithoto tše di dula di le ka diatleng le beng bja batho.



- Bommasepala ba Batho ba EFF ba tla hloma ditumelelano le dikgwebo tša selegae go thekga tlhokomelo ya mananeokgoparara, go akaretšwa go lokiša ditsela tša maoto le melete ya ditseleng, go bea dibini tša ditlakala mafelong a dikgwebo le go hlwekiša mafelo a setšhaba.
- Gape ba tla aba ditšhelete go mekgatlo ya dithekisi bakeng sa go hlwekiša le go hlokomela direnke tša dithekisi, ditsela tša dinamelwa le dintlwana tša boithomelo tša setšhaba. Godimo ga moo, Bommasepala ba Batho ba EFF ba tla kgoboketša ditšhelete ka moka tše dikgwebo tše kgolo le mafapha a mmušo di di kolotago bommasepala.
- Dibilione tša diranta di lahlega ngwaga o mongwe le o mongwe ka lebaka la tshenyo ya meetse le mohlagase yeo e bakwago ke mananeokgoparara ao a sa hlokomelwego gabotse. Bommasepala ba Batho ba EFF ba rera go lokiša mananeokgoparara le go tsenya dimithara tše bohlale go šireletša letseno la bommasepala.
- Go ya ka Mohlahlobi-Kakaretšo wa Afrika Borwa (Auditor-General of South Africa), bommasepala ba dirišitše tšhelete ye e fetago R1.6 bilione go baeletši (consultants) mo ngwageng wa ditšhelete wa 2024/25. Bommasepala ba Batho ba EFF ba tla etiša pele go aga bokgoni bja ka gare ka go thwala ditsebi tšeo di nago le mangwalo a maleba go e na le go ithekga ka baeletši, go netefatša gore ditšhelete tša setšhaba di dirišwa ka bokgoni bjo bo kaonago.
- Borakgwebo ba bantši ba itemogela mathata a go aga difeme ka lebaka la go hloka phihlelelo ya naga. Bommasepala ba Batho ba EFF ba tla aba naga ya mahala go beng ba dikgwebo bakeng sa go aga difeme le go hlama mešomo, ka maikemišetšo a go godiša letseno la bommasepala.

## G. MAFELELO

Lehono, Afrika Borwa e lebane le kgetho yeo e ka se sa diegišwago. Ke kgetho magareng ga **Phenyo goba Lehu**.

Go wa ga bommasepala ba rena le go palelwa ga mebušo ya selegae Afrika Borwa ga se taba feela ya diphaephe tše di robegilego, melete ya ditseleng, kgoboketšo ya ditlakala, kabo ya meetse le mohlagase.

Ke taba ya maphelo a letšatši le letšatši le maitemogelo a nnete a batho ba rena. Ke taba ya mme kua Giyani yo a sa kgonego go hlatswa goba go apeela bana ba gagwe ka gobane go se na meetse. Ke taba ya bafsa kua Soweto le Mamelodi bao ba sa kgonego go hwetša mešomo mmasepaleng ka gobane ga ba na



ditswalano tša dipolotiki. Ke taba ya mosetsana yo moswa kua Mthatha yo a gapeletšwago go robala le lekgotla la selegae goba Meyara gore a hwetše mošomo. Ke taba ya bafsa kua Khayelitsha le Mitchells Plain bao ba ineetšego go dihlaretagi le bjala ka lebaka la go hloka mešomo.

Ke taba ya bašomi le batšofadi bao ba amogelago diphenšene kua Rustenburg bao ba lefelago ditirelo tšeo ba sa kego ba di amogela. Ke taba ya bana kua Mangaung bao ba sepelago ba feta kelelatšhila ye e tšhologago le ditsela tše di tletšego melete ge ba eya sekolong.

Batho ba rena ba kwele ditshepišo tše di lekanego kua Umlazi le KwaMashu. Batho ba rena ba theeditše dipolelo tše di lekanego kua Nkomazi le Mbombela. Batho ba rena ba badile dimanifesto tše di lekanego. Seo Afrika Borwa e se nyakago bjale ke boikgafo bja nnete.

Boikgafo bjo bo lego ka gare ga manifesto ye ga se ditshepišo tše di se nago mohola. EFF e a tseba gore batho ba rena ba lapišitšwe ke ditshepišo. Tše ke boikgafo bjoo EFF e flago go bo phegelela ka maitshwaro, botshepegi le boikemišetšo.

Manifesto ye ke kgoeletšo ya gore mebušo ya selegae e ka šoma. Manifesto ye ke kgoeletšo ya gore bommasepala ba ka fetoga mafelo a bokgoni bjo bo phagamego le kabo ya ditirelo go batho ba rena, ba lokologilego go bomenetša. Boikgafo bjo bongwe le bjo bongwe bjo bo lego ka gare ga manifesto ye bo a šomega e bile bo a lekanyega.

Ke boikgafo bja go netefatša gore ga go ngwana yo a golago kua Emfuleni a nagana gore kelelatšhila mebileng ke selo sa tlwaelo; ga go lapa kua Lusikisiki leo le amogelago leswiswi bjalo ka seemo sa go ya go ile; gomme ga go ditšhaba tša Polokwane le Phokwane tšeo di gapeletšwago go phela ntle le ditirelo tša motheo le seriti.

There can be no true freedom without municipalities that function properly. There can be no dignity where water does not flow, where electricity is unreliable, where roads are unsafe, and where clinics are unable to care for the sick.

Boikgafo bjo bongwe le bjo bongwe bjo bo lego ka gare ga manifesto ye bo bohlokwa. Ke boikgafo bja go bušetša boikarabelo moo bo senyegilego, le go netefatša gore batho ba kwa boteng bja mmušo wa selegae, e sego ka dipolelo goba masolo feela, eupša ka maitemogelo a bona a letšatši le letšatši.



Mošomo wo o lego pele ga rena o ka se be bonolo. O tla ganetšwa ke bao ba holegago ka go wa ga bommasepala ba rena. O tla ganetšwa ke bao ba holegago ka bohloko le tlaišego ya batho ba rena. O tla ganetšwa ke bao ba holegago ka maemo ao a lego gona.

Batho ba Ekurhuleni, Johannesburg, Tshwane, Mangaung le Nelson Mandela Bay.

Bašomi ba Kapa Motse, eThekweni le Buffalo City.

Batho ba Afrika Borwa, lehono re bea pele **Manifesto ya Dikgetho tša Mebušo ya Selegae ya 2026** bjalo ka boikgafo bja mengwaga ye mehlano bja go aga

**Bommasepala ba Batho**, bao ba tlogo go tliša **Tokologo ya Ekonomi**.  
**Phenyo goba Lehu — kgethelang EFF!**